

沃丘仲子著

近代名人小傳
(上)

廣文書局印行

沃丘仲子撰

近世名人小傳

(上)

廣文書局印行

近代名人小傳叙

吾十有五度嶠函越中條以北經乎井陘以至於京師則見熙攘往來於朝市者日以億萬計私謂若而人者非有史氏紀載百年以降或不能舉其姓字矣明年乃習史公書冠而二十四史畢知人之能稱諸沒世者特萬千中之一二耳而是一二者是非率見於官書欲其無曲筆讐說吾誠未之敢信自是飢驅南朔或撰杖乎耆碩之側事必問問必記三十年中所得積四十卷都百三十萬言雖見聞詳略有差而毀譽不謬於聖人視世之以諛墓文爲事略者少不侔矣敝廬當淩雲山麓據江潯之勝阿閣兩重胥以皮書蠹所撰錄附乎其中友生見存者曰是亦名山之藏矣丙午夏五滇師一炬萬卷皆燼倉卒奔徙達乎海濱古謂作史者恆蒙奇禍故丘明滅明司馬中腐

近代名人小傳

刑吾之所遭。或與之齊。雖然。魏收以降。傳世信史。類奉勅撰。秉筆者。皆達官鉅卿。初不聞其招損蒙害。是則湘綺先生所謂官書譽倍於毀務爲庸庸宜其多厚福矣。吾誠譴陋而狷傲。未嘗以虛譽奉人。若世官書固所差爲。然三十年之所聞見紀載。終不欲其盡佚。於是追思補錄。凡三閱月。乃始成書。而視曩作。僅及什一。嗚呼。姓氏得存。名稱能舉。是亦足矣。而所紀或鄰於稗官。或無關宏旨。故命名小傳。今方以史館附國大學。延世之魁儒雋士。編纂文獻。吾書視之。若溝瀆之於江漢。環堵之於岱華。以云小不誠當哉。沃丘仲子

近代名人小傳

沃丘仲子著

儒林

漢以前儒者治經術。宋以後儒者治性理。故宋史創道學。而身心性命之旨。彼周程朱張之所闡者。或不若道德華嚴之詳也。其自外於儒林也宜矣。余蟲鯁虛靈之說。非所習。弗通。六藝者。弗敢以儒奉之。作儒林傳。

王闓運	何紹基	俞樾	陳澧	朱次琦	桂文燦	馮桂芬
王熙震	成蓉鏡	王筠	苗夔	張裕釗	吳汝綸	戴望
黃以周	錢葆唐	孔廣銘	鄭珍	莫友芝	柳逢良	岳森
劉子雄	胡從簡	戴光	劉嶽雲	宋書升	孫葆田	龍澤厚
楊守敬	羅光烈	孫詒讓	皮錫瑞			

王闖運

字壬父。湘潭人。就學三年。日誦不能及百言。已。雖能成誦。而猶弗得其解。塾之人皆蚩之。師曰。學而蚩於人。是可羞也。蚩於人。而不奮。寧不學也。聞而泣。退而刻責。乃免。強乎學。問所習者。不成。誦不食。夕所誦者。不得解。不寢於。是年十有五。明訓故二十。而通章句二十四。而言禮考三代之制度。詳品物。之所用二十八。而達春秋微言。張公羊。申何學。時則學者習注疏。文章皆法。鄭孔有解釋。無紀述。重考證。略論辨。讀者竟十行輒引。凡臥慨然曰。文者聖。之所託。禮之所寄。史賴之以信。後世人賴之以爲語言。詞不修則意不達。意。不達則藝文廢。俗且反乎混沌。况乎孳乳所積。皆仰觀俯察之所得。字曰文。言其若在天之星。象在地。鳥獸蹏迓之跡。必其燦然者也。今若此文之道。幾。乎息矣。遂溯莊列。探賈董。發爲文章。其儷體則揖顏庾詩歌。則抗阮左記事。

之體。一取裁於龍門。爲尙書箋。禮經箋。小戴記箋。春秋公羊箋。春秋例表。論語箋。湘軍志。注墨子列子。正諸史藝文。纂春秋遺傳。諸門弟子輯其文詩書問爲集。凡若干卷。先生咸豐癸丑舉人。以貧就食四方。嘗館山東巡撫崇恩大學士肅順所。順奉之若師保。軍事多以諮之。左宗棠之獄。因以得解。已而參曾國藩戎幕。國藩先生通家也。其初起。屏儀節。延納士人。重法。以繩吏胥。嚴刑。以殛姦宄。皆納先生議。迨喪歸。再出。變節爲巽順。雖功成勳業冠清代。而先生笑其避事。國藩且不自信也。知事成之由。命毀譽之無真。乃退。息無復。用世之志。唯出所學以開教授。丁寶楨欽其賢。延爲成都尊經書院院長。至之日。進諸生而告曰。治經於易。必先知易字。含數義。不當虛衍卦名。於書必先斷句。讀於詩。必先知男女贈答之辭。不足以煩學官。傳後世。一洗三陋。乃可言禮。禮明然後治春秋。又曰。說經以識字爲貴。而非識說文解字之字。

爲貴。又曰：文不取裁於古，則亡；法文而畢摹乎古，則亡；意當清世，蜀學晦塞，有劉沅者，自謂通三教，取俗所傳文昌陰騭文教士，號文昌教。其子適官翰林，蜀人靡然從之。幾無通士，聞先生說，乃幡然改習，注疏諸史，文選之屬。院生曰：有記、月有課、暇則習禮。若鄉飲、投壺之類。三年而彬彬進乎禮樂。其後廖平治公羊穀梁春秋，小戴記，戴光治書，胡從簡治禮，劉子雄、岳森通緒經，皆有家法。未嘗封於阮氏經解，視詒經、南菁學海之徒，曰：經解者，蓋不可同日語。蜀學成，還主長沙校經書院，繼移衡州船山書院，而所得士少遜於蜀矣。岑春煊撫湘，上所著書，賜翰林院檢討。鄉試重逢，晉侍讀，入民國，袁世凱聘修國史，方發凡起例，遽卒。年八十八。子代豐、女棻，皆治禮，能傳家學。而胥早卒。餘諸子亦能文。先生少負奇志，嘗說胡林翼以湘鄂自立，徐平髮捻，逐清，建夏。林翼謝不敏。又說國藩曰：南洋諸埠，土皆我辟，而英荷據之，且假道。

窺我。今士猶知兵。敵方初強。曷略南洋。以蔽閩粵國藩。亦謝不敏。後又說寶楨曰。印英仇也。而從之。實勢是屈。今方閒暇。先營衛藏。爲印後援。可乎。寶楨大稱善。檄黃楸才先至探道里。未及設施。竟歿。先生曰。丁之歿。吾志之不行也。自是不復談大略。所爲湘軍志。是非之公。爲唐後良史第一。而驕將惡其筆伐。有欲得而甘心者。避之京師。奕訢素慕先生名。屬徐樹銘爲介。造問政。先生曰。國之治也。有人存焉。今少荃之洋務。佩蘅之政事。人才可睹矣。何治之足圖乎。訢曰。是處士之徒。爲大言者。遂不復請謁。先生行。已臨文一秉經訓。晚歲以行役。挈周媼從。俗士不讀禮。播爲異談。烏乎。斯其陋矣。是非吾學者之羞乎。壬午間。予以幼學。莫知所從。逮及讀先生巫山神女廟碑。謂巫古官氏。殷人重之。王宮有巫官。以之示是非。決吉凶。蓋婦人好卜。特以巫規之。而巫蠱之禍。弗作矣。託言神女。瑤姬者。實況后也。是知巫山得名。非虛。而神

女云。云則藉以告王是非。予驚嘆以爲漢以後無斯文。遂納贄請業。踰年先生反湘。踰二十四年。再見於漢上。故同時摠衣諸子。余學爲最。謝而先主尙許其近古也。先生儀容爽偉。音吐清越。唐以後書雖讀之。而臨文不隸其一事。蒙其一詞。故終身論學未嘗及宋明儒者異同。

何紹基

紹基書名滿天下。或知其能爲詞章。若經術則世鮮稱之者矣。予嘗於湘陰柳氏見其攷證禮經二百餘條。多據大戴記。而貫通制度。言皆精切。又說文說若干首。探其源流。攷定部居。雖不足擬段玉裁。而亦苗變莫友芝之倫。皆柳氏作而靳其批削者也。又蜀人李氏藏所爲水經注刊誤。則試士書院程作也。亦贍博明哲。紹基尙書凌漢子。字子貞。晚號媛叟。以編修督四川學。數言事。文宗惡其激切。罷歸。貧不能自存。則以鬻字以爲食。而性捐傲。好詆諆。

人郭崑、蕭進、四體書乞教。笑曰：「若市肆闕書帳籍者，君其選矣。」謁左宗棠，以其敝衣冠門者，弗爲通。舉所持蓋擊之，流血被面，乃已。詩類黃庭堅，書法頗眞卿，篆隸亦工。當官廉峻，其試武童以墨塗鏡，加眼上曰：「此無益，吾何觀焉？」

俞樾

字蔭甫，晚號曲園老人。道光末進士，援編修，督河南學政。御史曹維澤劾其命題割裂，褫職歸。主蘇州紫陽、杭州詒經諸校，以會試重逢，復原官。卒年九十。樾爲學推本訓故，而尤重假借。若高郵王氏之所爲，成羣經平義，諸子平義，若干卷，雖攷據精核，而皆單詞隻字，罕言制度名物。義例尤非所及。後成古書疑義舉例，則博綜條貫，卓然成家矣。工書，詩亦和雅，而不能文。著書五十餘種，中多小說雜家之言，類信手編成，體例殊無取裁。平時往來蘇杭，暇則著書自娛。教授至怠，弟子能傳其學者，特二三人。嘗觀其書院試士集，皆

淺薄不足言學。晚好請託。大吏苦之。劉樹棠嘗告湘綺先生。謂曲園日爲屬吏乞差缺。似非儒者所有事。又曰。園可曲而學不可曲。譏之甚矣。樞會試出曾國藩門。李鴻章爲其同年生。彭玉麟爲姻媾。故朝官爭親之。而亦自喜若袁枚。唯謹飭不敢法枚恣縱也。子某官直隸同知。早卒。孫陸雲。以一甲進士授編修。亦守家學。

陳澧

字蘭甫。番禺人。著東塾讀書記。學者稱東塾先生。以舉人官教職。進書加國子監典籍銜。主粵雅學海諸校。幾二十年。薦晉五品卿銜。澧操履純篤。端雅愛士。四六文古近體詩詞曲皆工。論史攷據未足。躋錢大昕而論事詳允。或過於王鳴盛。初慕亭林。船山有經世之志。已而著書談道。不復求進。瑞麟素貪庸。而其督粵日。值晏客。澧在座。不敢以雜伎進。嘗告人曰。陳山長道貌巍。

然不可犯也。其見重於人，若此而澧、實和厚，未嘗立崖岸。治經兼綜訓詁，名物雖淹洽而未足名家。義主溝通漢宋，謂漢學以鄭康成爲大宗，宋學以朱元晦爲大宗。二人皆兼攷據性理，未可偏廢。是論人非治經清季經學多如此，固爲君子所弗取也。通樂經爲律呂正義。

朱次琦

康有爲謂所學出次琦，動稱九江先生。九江，次琦所居地也。以山西襄平縣知縣乞休歸，講學九江，有名於粵。次琦踐履敦厚，天資穎敏，於書無所不窺。初亦礪求訓故，中歲乃治宋儒書。由程、朱而王、陸，由王、陸而漸近釋氏。有爲記其言頗多，而不必皆儒家言。第與陳澧皆通樂律，雖所學不逮澧，而能紹二千年絕學。如次琦者，清代數人而已。亦粵人。

桂文燦

文燦肄業學海堂。通天算與地名物訓詁之學。以知縣進所著書。蒙上賞。最以爲鄭康成。雖後起而精博有家法。非澧所及。所著經學叢書四種。未嘗少雜宋以後空言。黃體芳謂阮元立學海堂。課士末乃得文燦。爲不負其堂云。

馮桂芬

字林一。一字敬亭。吳人。以一甲進士。少遷中允。乞疾歸。遂不復出。桂芬幼而苦溺於學。弱冠治周官禮及管子書。皆有箋釋。自通籍後。博攷中外利病。歷朝掌故。知清代尊奉例案。上下權皆操於吏胥。而行政徒徇虛名。以自欺欺人。必不足圖治。乃爲校邠廬抗議二卷。皆指摘時弊。欲更張法制。曾國藩謂其若陳同甫葉水心。而桂芬學本經術。豈葉陳所能望中。歲兼治費氏易。毛氏詩。其論周官禮與禮經有出入。謂當周代禮經猶會典。周官則事例也。事例多後增。固不能盡同會典。今謂周官僞造者非也。又論詩謂齊魯多同唯

韓獨異。然其與毛氏異。同半無關大旨。然則僞毛詩者亦非也。又疑韓詩多異字。如周南之鴉。焜。題。召南之剗。覆。概。或不一見於他籍。或爲世俗書。若此者頗多。則尤不足躋毛也。桂芬峻整清嚴。嫉惡如仇。敬隱逸。薄顯官。吳人仕京朝者。素柔和。桂芬獨激昂慷慨。有幽并間氣。當世不多觀也。

王熙震

字曉嵐。一字惕齋。閬中人。道光丁酉拔貢。壬寅副榜。以小京官歷戶部主事。遷員外郎。郎中外任宜昌府知府。以治獄迕上官旨。開缺歸。爲錦屏書院院長。卒年八十少貧。父爲雞販。十歲尙逐父走村市。未嘗讀書。里人孔廣綢奇其狀貌。令就學己塾。雖不甚慧。而讀書必得解。乃已。嘗讀大雅。至迺立冢土。叩其義。師曰冢土大社也。叩何爲大社。師弗能答。自是每誦一書。必釋其義。每釋一義。必參稽他經。務求多證。學日通博。及官京師。對人默默。未嘗騁馳。

議論世無知其能學者。一日偶共祁崙、藻、論、篆、籀、變、遷、多、補、浚、長、所、未、逮、崙、藻、大、驚、曰、初、以、君、特、習、帖、括、不、謂、淹、雅、出、時、流、上、遂、傾、心、交、之、然、熙、震、日、究、典、籍、皆、有、笱、記、卒、未、以、示、同、列、羣、從、勸、毋、秘、所、學、曰、吾、學、尙、不、足、希、古、何、用、乎、秘、特、朝、士、好、假、學、問、通、聲、氣、以、揣、摹、求、進、故、世、不、置、學、官、而、賴、私、家、爲、提、倡、則、京、師、非、講、學、地、也、衆、服、其、論、及、罷、歸、益、覃、稽、羣、籍、爲、大、戴、禮、記、注、四、十、卷、後、漢、書、義、證、若、干、卷、楊、奩、讀、書、志、若、干、卷、文、集、若、干、卷、子、式、會、官、戶、部、員、外、郎、修、廡、幕、貴、族、竟、貧、困、死、並、父、書、亦、弗、獲、刊、行、

成蓉鏡

字芙卿。寶應人。少讀書揚州安定書院。博通載籍。嘗曰。司馬班、范之流。皆通經術。故其書實與經傳相表裏。若後世史其良者。足別目錄。考文章而已。次者至藝文。亦弗可稽。故其學穿穴史、漢、以治書、詩、周、禮。左氏多考輿地。成禹

賁班義述。以班書證禹域家法。釐然考定之精。爲唐以後釋禹貢者所未有。嘗入曾國藩幕。後官知縣。

王筠

字蓁友。安丘人。時棲霞郝懿行疏爾雅。樸學冠齊魯。筠出攻小學。尤勤。嘗推六書義例。篆籀源流。發叔重箸書之意。爲說文釋例。又補段氏所未逮。爲說文句讀二書。出許書無遺義矣。筠以貢生官國子監學正。游祁雋藻門。然學非雋藻所及。性迂訥。持議不爲人下。嘗集雋藻齋中。翁心存論轉注例。頗詆許氏。筠起爭。而座客皆附心存。憤甚。不辭去。雋藻自追之。牽其衣。筠絕裾行。雋藻竟仆。時傳以爲笑。然筠敦內行。重然諾。鄉里服其信義。宛平李坦宰安丘。愛民重儒。以拯糴得罪。上官褫職。而虧公帑多。不得行。筠乃集父老議助之。先自鬻田三十畝爲倡。有阻之者曰。君田祇此。盡鬻何以爲活。筠竟不顧。